



Uunga siunnersuut: Atuarfik pillugu Inatsisartut Inaatsisaata allanngortinneqarnera pillugu Inatsisartut Inatsisaat (Atuartsinerup imaa, aaqqissugaanera, piareersarneqarnera, atuartut amerlassusaat, Ikiuinermi atassuteqarfissaq aamma atuarfimmik aqutsisutut ilinniartitaaneq pillugu malittarisassaata allanngortinneri)

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)
(Siullermeerneqarnera)

Tamatta meeqqatta pitsaanerpaamik atuarfeqarnissaat kissaatigaarput. Taamaattumillu aamma akuttunngitsumik takusarparput, uani Inatsisartuni uatsinnit ilaasortanit siunnersuutit suliarineqartartut, meeqqat atuarfiannut tunngassuteqartut. Tassungalu atatillugu uanga tunuarsimaarsimangilanga.

Assersuutigalugu siunnersuutigisimavara, atuartut ajornartorsiutinut, toqqaannartumik atuarnermut attuumassuteqanngitsunut, inummut piginnaasaminut inuttullu piginnaasaqarluartumut saaffiginninnissamik periarfissaqassasut. Isumaginninnikkut saaffissaasussa q atuarfinni tamani uani siunnersuummi ilaavoq.

Aamma iluarisimaarpara, digitalimik atuinerulerner mi atuiner milu pissuserissaarnissaq ukkatarineqarnerussasoq siunnersuutigalugu uani siunnersuummi ilanngunneqarsimammat.

Akerlianilli pakatsissutigaa ra, atuarfiup pisortaata allattaatut ilinniarnissamik siunnersuutiga siunnersuummi ilanngunneqarsimangimmat, Naalakkersuisullu apererusuppakka, sooruna ilanngunneqarsimangitsaq?

Taakku saniatigut tupigusuutigaa ra, sakkortunerusumik qummut killiliisoqarsimangimmat, atuartut qassit, klassimi ataatsimi atuartuutigineqarsinnaasut. Erseqqissarlugu tupigusuutigaa ra, klassit amerlassusissaat atuartunut 18-nut aaliangerneqarsimangimmat. Tupigusunninnut soorunami pissutaavoq, maannakkut Ilinniartitaanermut, Kultureqarnermut, Timersornermut Ilageeqarnermullu Naalakkersuisoq illuatungiliuttuungallarami nammineerluni nipituuliorluni siunnersuuteqarmat klassimi ataatsimi atuartut 18-iussasut. Taamaattumillu aperisariaqarpunga, Naalakkersuisut siunnersuummi sooq taanna ilanngussimanginneraat.

Naggataatigut taalaarusuppara, pissuserissaarnissaq ilinniagaqarnissarlu qulakkeerniarlugu siunnersuummi tiimit ilaanni klassini inersimasunik marlunnik isersimasoqartarnissaanik pitsaaqutaasunik imaqqanngimmat. Inersimasummi tamarmik ilinniartitsisuusariaqqanngimmata ilinniagaqarsimasut. Aaqqissuussa q taamaattoq ilimagaara atuarnermi pitsaassutsimit kivitsinnaasoq, kissaatigaaralu, ataatsimiititaliap siunnersuutip oqaluuserinerani tamanna ilanngutissagaa.

Taamatut oqaaseqaateqarluta siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamut sulia sanngorlugit ingerlateqqipparput.